

續修四庫全書



《續修四庫全書》編纂委員會編

續修四庫全書

上海古籍出版社

一五八八・集部・總集類

七十二家集三百四十六卷附錄七十二卷（溫侍讀集、邢特進集、魏特進集、庾開府集、

王司空集、隋煬帝集、盧武陽集、李懷州集、牛奇章集、薛司隸集）〔明〕張燮輯……………一

玉臺新詠十卷〔南朝陳〕徐陵輯〔清〕吳兆宜注〔清〕程際盛刪補……………四八三

溫侍讀集引

溫子昇起家廣陽王客在馬坊教諸奴子耳一旦登壇當之者靡旗亂轍徐黃門答廣陽表啟獨沉思曰彼有溫郎中才藻可畏今所為廣陽起

溫侍讀集

序一

草猶有傳者斐然可念也他如閭闔赦詔及天平答齊神武勅千載動人而寺碑多非完製庾子山所推挹寒陵片石差堪共語今其略節存焉余嘗位置子昇才藻儘堪與

梁氏諸賢分道揚鑣濟陰遵

彥固應內遜若所云梁帝嘆

曹陸復生自恨詞人數窮百

六此北人自張大其事吾未

敢據以為信也吐谷渾元不

稱解事之國乃其國主能致

溫侍讀集

序二

子昇數卷于牀頭此國主故

倍勝龜茲矣

天啓甲子秋日龍溪張燮書

于錢塘舟中



首應

表啟

才藻

潘

家唐

子耳

旗亂

沈思

長今

溫侍讀集引

溫子昇起家廣陽王客在馬

坊散諸奴子耳一旦登壇當

之者靡旗亂職徐黃門曰彼有

陽表啟獨沈思曰彼有

中才藻可畏今所為

草猶有傳者斐然可

如閭闔赦詔及天平答斐然可

武勅千載動人而寺碑多非

宅製庾子山所推挹寒陵

石差堪共語其各即存

余

據北京圖書館藏明末刻
本影印原書版框高
二〇四毫米寬二九二毫米

七十二家集六

〔明〕張燮輯

于錢塘舟中

天啓甲子秋白龍溪張燮書

數卷于牀頭

之國乃其

以為信也吐谷

此北人自張大其事吾未

曹陸復生自恨詞人數窮百



原書多處漫漶，無法配補。

卷六 (即) 飛鏗

二〇四 卷六 頁二八二 米

此書... 未

溫侍讀集目錄

卷之一

樂府

白鼻騮

結襪子

安定侯曲

燉煌樂

涼州樂歌二首

擣衣

溫侍讀集目錄

詩

從駕幸金墉城

春日臨池

詠花蝶

相國清河王挽歌

詔

爲魏莊帝闔闔門赦詔

爲莊帝生皇太子赦詔

爲魏帝遷都拜廟鄴官赦詔

勅

天平元年被命作答齊神武勅

表

魏帝納后群臣上禮文表

西河王謝太尉表

爲司徒高敖曹謝表

爲臨淮王謝封開府尚書令表

爲南陽王讓尚書表

爲上黨王穆讓太宰表

溫侍讀集目錄

爲廣陵王讓吏部尚書表

爲安豐王延明讓國子祭酒表

爲廣陽王壯征請大將表

卷之二

上書

爲廣陽王淵上書

爲廣陽王淵上書靈太后

銘

鐘銘

碑

舜廟碑

寒陵山寺碑

大覺寺碑

印山寺碑

定國寺碑

常山公主碑

墓誌銘

司徒元樹墓誌銘

溫侍讀集

目錄

三

司徒祖塋墓誌

文

聞闔門上梁祝文

附錄

溫子昇傳

北齊魏收

遺事

集評

溫侍讀集卷之一

魏濟陰溫子昇鵬舉著

明閩漳張 熒紹和纂

樂府

白鼻騮

少年多好事攬轡向西都相逢狹斜路駐馬詣

當壚

結襪子

誰能訪故劍會自逐前魚裁統終委篋織素空

溫侍讀集

卷之

一

有餘

安定侯曲

封疆在上地鐘鼓自相和美人當窓舞妖姬掩

扇歌

燉煌樂

客從遠方來相隨歌且笑自有燉煌樂不減安

陵調

涼州樂歌二首

遠遊武威郡遙望姑臧城車馬相交錯歌吹日

縱橫

路出玉門關城接龍城坂但事絃歌樂誰道山
川遠

擣衣

長安城中秋夜長佳人錦石擣流黃香杵紋砧
知近遠傳聲遞響何淒涼七夕長河爛中秋明
月光蟾蜍塞邊絕候鴈鴛鴦樓上望天狼

溫侍讀集

卷之一

二

詩

從駕幸金墉城

茲城實佳麗飛甍自相並膠葛擁行風岩巖閣
流景御溝屬清洛馳道通丹屏湛淡水成文參
差樹交影長門久已閉離宮一何靜細草綠玉
階高枝蔭桐井微微夕渚暗肅肅暮風冷神行
揚翠旗天臨肅清警伊臣從下列逢恩信多幸
康衢雖已泰弱力將安騁

春日臨池

溫侍讀集

卷之一

三

光風動春樹丹霞起暮陰差絳映連璧飄颻下
散金徒自臨濠渚空復撫鳴琴莫知流水曲誰
辨遊魚心

詠花蝶

素蝶向林飛紅花逐風散花蝶俱不息紅素還
相亂芬芬共襲手戲徒從可玩不慰行客心還
動離居歎

相國清河王挽歌

高門詎改轍曲沼尚餘波何言吹樓下翻成殫

露歌

溫侍讀集

卷之一

四

詔

爲魏莊帝聞闔門赦詔

蓋天道忌盈人倫嫉惡疎而不漏刑之無捨是以呂霍之門禍譴所伏梁董之家咎徵斯在頃孝昌之末天步孔艱女主亂政監國無主爾朱榮爰自晉陽同憂王室義旗之建大會盟津與世樂推共成鴻業論其始圖非無勞效但致遠恐泥終之實難曾未崇朝對聲已露河陰之役安忍無親王公卿士一朝塗地宗戚靡遺內外俱盡假弄天威殆危神器時事倉卒未遑問罪尋以葛賊橫行馬首南向捨過責成用平醜虜及元顥問鼎大駕北巡復致勤王展力行所以此論功且可補過既位極宰衡地踰齊魯容養之至豈復是過但心如猛火山林無以供其暴意等漏卮江河無以充其溢旣見金革稍寧方隅漸泰不推天功專爲己力與奪任情臧否肆意無君之跡日月以甚拔髮數罪蓋不足稱斬竹書愆豈云能盡方復託名朝宗陰圖繫逆

溫侍讀集

卷之一

五

睨天居窺覲聖曆乃有裂冠毀冕之心將爲拔
本塞源之事天旣厭亂人亦悔禍同惡之臣密
來投告將而必誅罪無容捨又元天穆宗室未
屬名望素微遭逢際會頗參義舉不能竭其忠
誠以奉家國乃復棄本逐末背同卽異爲之謀
主成彼禍心是而可忍孰不可恕並以伏辜自
貽伊戚元惡旣除人神慶泰便可大赦天下

溫侍讀集

卷之一

六

爲莊帝生皇太子赦詔

有國三善事屬元良本枝百世義鍾繼體朕應
天纂命握圖受籙景祚維新十年以永今月吉
辰皇子誕育彩雲映日神光照殿方開博望將
起龍樓遠近同歡人神共悅便可大赦天下

溫侍讀集

卷之一

七

爲魏帝遷都拜廟鄴宮赦詔

建國所先理屬於宗廟立事爲大禮歸於禋祀
大丞相渤海王神武命世重匡頽曆導塞源於
將竭扶神器於已傾立天地之大功成人臣之
重義朕以冲昧猥當樂推開路多虞衿帶難固
瞻言往事取則前修乃襲去鄴用追遷亳定鼎
鄴都卜世惟永民用子來功成不日今清廟初
興闕官始就靈祇萃止祖考來格神光夜照香
氣朝聞今月吉辰躬展誠敬時和氣婉景麗雲
溫侍讀集 卷之一 八

柔四表來庭萬國在位哀樂相交感慶兼集回
宜觀象雷雨布寬大之恩取類澤風申肆肯之
令可大赦天下

勅

天平元年被命作答齊神武勅

高歡擁立魏孝武於洛陽自歸鄴都已糾
斯格攝帝漸與歡隙封陞之孫騰亡奔歡
洩其謀帝規欲討歡假稱將伐句吳且借
宇文賀拔歡亦表稱勸兵四道伏聽處分
仍中信誓云爲嬖作所問一旦賜疑若負
陛下身受天殃子孫珍絕一二佞臣願斟
量廢出帝命舍人溫子昇草勅答之子昇
遂遁未敢作帝據胡床拔劍作色乃遣筆
前持心血遠以示王深冀彼此共相體悉而不
良之徒坐生間貳近孫騰倉卒向彼致使間者
疑有異謀故遣御史中尉綦雋且申朕懷今得
王啓言普懇惻反覆思之猶所未解以朕眇身
遇王武畧不勞尺刃坐爲天子所謂生我者父
母貴我者高王今若無事背王規相攻討則使
身及子孫還如王誓皇天后土實聞此言近慮
宇文爲亂賀拔勝應之故纂嚴欲與王俱爲聲
援宇文今日使者相望觀其所爲更無異迹賀
拔在南開拓邊境爲國立功念無可責君若欲
分謗何以爲辭東南不賓爲日已久先朝以來
置之度外今天下戶口減半未宜窮兵極武朕

既闇昧不知佞人是誰可列其姓名令朕知也如聞庫狄干語王云本欲取懦弱者爲主王無事立此長君使其不可駕御今但作十五日行自可廢之更立餘者如此議論自是王間勲人豈出佞臣之口去歲封隆之背叛今年孫騰之逃走不罪不送誰不怪王騰旣爲禍始曾無愧懼王若事君盡誠何不斬送二首王雖啓圖西去而四道俱進或欲南渡洛陽或欲東臨江左言之者猶應自怪聞之者寧能不疑王若守誠

溫府讀集

卷之一

十

不貳晏然居北在此雖有百萬之衆終無圖彼之心王脫信邪棄義舉旗南指縱無匹馬隻輪猶欲奮空拳而爭死朕本寡德王已立之百姓無知或謂實可若爲他所圖則彰朕之惡假令還爲王殺幽辱壅粉了無遺恨何者王旣以德見推以義見舉一朝背德舍義便是過有所歸本望君臣一體若合符契不圖今日分疎到此古語云越人射我笑而道之吾兄射我泣而道之朕旣親王情如兄弟所以投筆拊膺不覺歔

欽

溫府讀集

卷之一

十

表

魏帝納后群臣上禮文表

臣聞軒轅乃至西陵以之作合夏后至聖塗山
于是來嬪伏惟陛下龍飛纘曆大明理運長秋
既建陰教有主景命無窮靈基長世普天之下
莫不欣躍

溫侍讀集

卷之二

十二

西河王謝太尉表

臣聞拂羽決起力謝摩天策蹇載馳功微送日
將短嗣難以陵高駕乘無由致遠雖復建旗出
郡未追楚趙之風捧壺入侍徒踵金張之迹及
天祚明德運啓興王六遂始遷九鼎初定於焉
承乏有用當官草靡從風未遑克讓常恐執轡
傾輪操刀傷錦

溫侍讀集

卷之一

十三

爲司徒高敖曹謝表

委木橫流群龍交戰徒悲道喪空懷主辱雖復
見義援戈臨危奮劍傾慚後畋終謝先鞭事等
泣河無救三川之竭有類憂天豈支四極之壞

爲臨淮王謝封開府尚書令表

臣道愧山東氣慚隴右激水弗功搏風無力但
以平原帶地資緒極天發趾自高理嗣以遠出
臨侯服既乏刺舉之能入踐帝閭又無應對之
美空復受戈清廟推轂朱門孝闕淚河功慚汗
海大寶遠隆橫草未樹願以有涯願言知止

溫侍讀集

卷之一

十四

爲南陽王讓尚書表

臣聞立而託乘乃成致遠之功坐以運舟遂有
利涉之用若以輕任重課憑虛責實雖欲自勤
終焉靡效

爲上黨王穆讓太宰表

臣聞策蹇長途終慚一日之致懸縷層臺詎任
千鈞之重固知才弱不可自強力微難以企及
智小謀大恐貽折足之憂才輕任重懼有絕贖
之悔既慮鏤金固陳匪石

溫侍讀集

卷之一

十五

爲廣陵王讓吏部尚書表

假勢風雲非由羽翮徒得推遷就列僂俛當官
曾無辟雍議禮之名詎有銅雀獻賦之敏而政
本寔繁司會尤切抑揚智地用舍時流實當年
之準的乃一世之權衡得其人則分職之任隆
非其才則曠官之失起

爲安豐王延明讓國子祭酒表

臣聞寶劍未砥猶乏切玉之功美箭闕羽尚無
衡石之勢况才非會稽之竹質謝昆吾之金至
於敷教東序流訓上庠置樽俎酌懸鐘待叩必
須蘊朱藍以成彩立規矩以爲式番三行於貴
游揚六藝於胄子而臣譚愧聚沙問慙攻木雖
歷文史不治章句於茲曠官青衿何仰

溫侍讀集

卷之一

十六

爲廣陽王北征請大將表

今四郊多壘三軍申發率土之濱莫敢寧晏况
忝末屬復董元戎臣不盡心誰將竭力豈容飾
讓苟違戎重但以軍旅之事實所未學求保重
將隨方指麾臣請先驅被堅督戰若使旗鼓相
望埃塵相接決機兩陣之間不辭萬死之地脫
獨委臣專總戎旅兵術靡常軍機屢變以臣當
之必所未達雖奉廟筭有均膠柱

溫侍讀集

卷之一

十七